

թեան . բութիւն նոցա՝ զբարեհաճութիւն կամաց նոցա  
 Երկրորդ զիարդ կարէի ժամանակ խնդրել  
 հարցանելոյ . ընծայութեան միթէ համբերէ այլ եւս երեք  
 ամիս : Տէրութիւնն յե՞րբ եհարց վասն Կայսերական պար-  
 դեւին , պարտ էիք՝ բանիւ կամ գրով ասել՝ թէ սպարո-  
 թիւն է բարեպաշտ Թագաւորաց եւ Իշխանաց պղծք  
 օրհնութիւն խնդրել , և ոմանք ընծայ առաքեն եկեղե-  
 ցական անօթ՝ Խաչ և այլն : Գեղեցիկ էր Տաճկական յոյ-  
 տարարութիւն , որ վասն Կայսերական պարգեւին . բայց  
 Տէրութիւնն ոչ բնաւ պատասխանի տայ : Եւրոպացիք  
 բազմացան աստ . գան առ մեզ՝ հարցանեն վասն մեր ե-  
 կեղեցւոյ դաւանութեան , վասն պաշտամանց՝ և խորհրդոց ,  
 մեք կարգաւ իբրեւ դնեմք առաջի նոցա զամենայն պարա-  
 դայիւք և բացատրութեամբ , խոստովանին թէ՛ յառաջին  
 դարս՝ ամենայն եկեղեցիք Քրիստոսնէ ից այսպէս պաշտէին .  
 բայց հետ զհետէ հեշտասիրութիւն և ագահութիւն եկե-  
 ղեցականաց՝ նորանոր նորաձեւութիւն եմոյծ յեկեղեցա-  
 կան պաշտամունս , և եղեն պատճառ այսչափ հերձու-  
 ծողութեան և հակառակութեան , այլ ձեր եկեղեցին՝ խոս-  
 տովանիմք , անարատ կացեալ է ուղղափառ և առաքելա-  
 կան . վասն այնորիկ սիրելի էք ամենայն ազգաց , և ցան-  
 կամք միշտ ընդ ձեզ խօսիլ և հարցանել , և հաւատամք  
 անկեղծ բանից ձերոց » . (1845) :

Յետ ընդունելոյ Զաքարիա Պատրիարքի զնշանն Կայ-  
 սէր Ռուսաց , առաւ նաեւ նշան պատուոյ ՚ի Սուլթան  
 Մէճիտ Արքայէ Օսմանցւոց , զոր առաքեաց Մատթէոս  
 Պատրիարք յերուսաղէմ ՚ի ձեռն Վրթանէս վարդապետի  
 աշակերտին իւրոյ :

Տուն մի ՚ի կալուածոց վանաց Յոսիպէի յափշտակեալ  
 յայլազգեաց , արարեալ էին զայն տեղի կառավարութեան .  
 միաբանք Հայոց բազումս աշխատ եղեն վասն ազատութեան  
 նորին , այլ չեղեւ հնար . զի այլազգիք Յոսիպէի ասէին .  
 տունն է ՚ի կալուածոց Հայոց , բայց Տէրութիւնն վճարէ  
 զտարեկան վարձն , եւ բաց յայսմանէ ոչ զոյ այլ տեղի .  
 և Իդեչխքն երկարէին զխնդիրն , այլ յետոյ ազատեցաւ  
 ձեռնառութեամբ և ջանիւք ձանիկ Ամիրայի՝ յորժամ եկն  
 յուխտ յերուսաղէմ եւ դարձաւ ՚ի Կոստանդինուպոլիս :